

ALGUN DI ESNAN CU LO WORDO HOMENAGEA AWE

Durante festival "Un canto na nos Himno y bandera"

STEVE LAURENCE GEERMAN:

Steve Laurence Geerman di 12 aña di edad alumno di St. Aloysiuschool, 6 e klas, for di chikito a cuminsa impone su nomber riba tereno musical. Na 2007 y 2008 el a bira maximo ganador di Festi Noord. El a participa den festivalnan di Himno y Bandera cu tipico Macuarima na 2010 y 2011 y otro festivalnan y ademas a canta himno di Olimpiada escolar na stadion Frans Figaroa na 2008, Himno di aruba na varios ocasion, tur diadomingo e ta den programa Top 95 kids.

Aña pasa a termina na di dos lugar den Festival Voz y Landia di Aloysiuschool, a canta den Concierto dominical Donny Lacle, concierto di gospel riba bapor Freewinds y na Radisson Hotel unda el a termina na di dos lugar den festival di gospel, forma parti di grupo di gaita y di Tuti Fruti y a toca y canta gaita na Club chine, gana Premio di Strea di Fin di aña cu cancion Mi Aruba, termina na di 2 lugar den Festival di Dande na centro di bario Tanki Leendert aña pasa, aparece riba varios CD y diasabra ultimo 3 di maart a gana den su categoria e titulo maximo di Un canto pa Aruba su himno y Bandera.

SOPRANO TICA GIEL

For di chikito Tica a gusta canto y cu 3 aña di edad tabata resona su voz cantando pa familia. Den Kleuterschool el a sigui canta te cu el den man di su ruman Bencho cu a acompaña den su cantonan riba guitarra. Como teenager el a canta den grupo di aguinaldo Las Palmeras y Los Cantarines.

El a termina scol y bay studia pa analista quimico na Hulanda for di 1967 te 1970. Tambe el a canta den bandanan The Boy Scouts, Super combo casino y Vibracion 74 cu su rumannan Bencho Casino y Nino di feliz memoria. El

a forma parti di coro Santa Anna, tuma les di canto cerca Maybeline Arends Croes y pa ocasionnan social tabata compaña su mes riba guitarra.

Na fin di 1976 el a termina su trabao como analista quimico na lago y dos siman despues a bay studia atrobe na Hulanda pero pa docente di music. Na Alkmaar durante audicion na Muziek Pedagogische Academie e director a tende den Tica un solista clasico y na 1983 el a gradua como solista di canto clasico, sigui studia y un aña despues gradua como docente di Algemene Muzikale Vorming.

El a sigui den canto y a canta y actua den varios oratorio y Opera Clasico mundial na Europa y cu orquestanan grandi. Despues di a termina na Conservatorio na Amsterdam el a bin duna su prome concierto na Aruba, na Corsow y Boneiro. Canta cu Orfeon Crescendo di Frank Davelaar, cu Wim Statius Muller y a graba cu Wim Statius Muller e CD "Antillean Sons na 1990.

Despues el a bolbe presenta den varios operana Hulanda, na Sicilia y na Napoli, Italia, y pa mas di 80 scol rond di Hulanda.

Bek na Aruba el a traha pa departamento di Enseñanza y scol di Musica Rufo Wever. Te cu 2010 e tabata docente di canto solfeo y teoria na Scol di Musica Rufo Wever.

For di 1998 e ta organiza su conciertoan clasico y popular pa pueblo y na 1997 a graba tambe e CD Sentimiento di Pasco cu e guitarrista pepe Gonzalez, sigui pa Canto di Amor na 2001.

ERIC RINCONES SERAFIN

Eric Rincones a lanta na Playa di mayornan di familia musical. Su tata Alberto tabata tocador di cuarta, violin, guitarra y mandolin. Y su mama Damasa ta sali for di e familia musical Sneek. Su omo Daniel tabata guitarrista, y cantante hopi conoci den su tempo. Eric a bay scol na St.

Dominicus College, na La Salle College, na Colegio Arubano HBS-C y di eynan pa Kweekschool y na 1971 a ricibi su diploma di maestro di scol na APA. El a cuminsa traha na Pius X School den 1ste klas y a keda te cu aña escolar 2009 -2010 y a baha cu pension, despues di 32 aña como cabesante di e scol. Eric a casa cu Evelina Dirksen di Santa Cruz, ta maestra di scol y e pareha tin 3 yiu homber y 6 nieto y pronto esaki lo bira 7

Eric Rincones for di chikito a cuminsa toca cuarta y compone, mirando su tata ta toca. Den bario cu otro hobennan musico nan a sinta toca, canta y compone y riba tur esey duna serenata na e mosanan di bario. Na comienzo di decada 60 el a cuminsa toca aguinaldo y gaita, scucha e cancionnan for di Venezuela na radio, skirbi letranan, pa despues busca akkoord pa toca nan. El a toca den trio pa actividadnan cultural y na Sheraton hotel, toca den bandanan di cas, forma parti di The Golden Strings, compone pa e musical Amor di Kibaima di sr. Hubert Booi, toca den diferente coro di misa y compone diferente cantica cu mensahe religioso y mas di diez misa. E ta dirigente actualmente di coro Vlam di Coro hunto cu su señora. Eric a compone hopi pa Voz I Landia y tur aña cu 6 of mas composicion y un biaha 10. Gana tambe el a gana cu hopi di su cancionnan. Pa concurso di tumba di carnaval y tumberito tambe el a compone cancionnan y ademas a aparece como hurado den diferente festival.

E ta hopi dedica na musica tipico cu e grupo Tipico Macuarima den cual su yiu y nietonan a y ta forma parti. E ta participa cu e tipo den Festivalnan di Himno y Bandera y di Dande. E tin entre 300 y 400. Ademas di su carera musical e ta activo riba hopi otro tereno pero esakinan ta menciona den otro ocasion.

JADERICK N.J. CROES

Jaderick Croes ta conoci awe como cantante, compositor, arreglista, musico y tambe

ta un di esnan cu for di chikito a wordo pica pa e maribomba musical.

Cu 5 aña di edad el a cuminsa tuma les di cuarta y un aña despues el a cuminsa participa den diferente show di talento. Cu 11 aña el a sigui les di cuarta avanza y dos aña despues el a cuminsa cu les di mandolin, tré, guitarra y baho. Den dos aña el a domina tur e instrumentonan aki sin bai les prome.

Jaderick na 2001 a join Tipico macuarima bao direccion di Frank Dirksen y a canta, toca cuarta, guitarra, tré, mandolin y si mester e ta toca baho tambe.

Den Festivalnan relaciona cu himno y Bandera e ta participa como cantante, compositor, arreglista of toca, tambe den festival di Dande y festivalnan di mucha.

Jaderick ta forma parti di gruponan di gaita tame ultimo simannan di aña y ta cu Gaita Euforia, Gaita Sensacionales, Gaita Exclusivo, y ta compone tambe pa e gruponan, canta y toca cuarta y guitarra. Den gruponan tipico e ta toca tambe cu Amor pa Folklor,

Stimami, Grupo di Betico y den Grupo Pegasaya di Frank Croes. Cu esakinan tambe e ta participa den tur e festivalnan.

Jaderick a bira rey di dande hubenil cu Tipico Macuarima, tambe el a gana festival Himno y Bandera na Centro di Bario Tanki Leendert cu su composicion "Sentimiento di un hobon arubano", cu Tipico Macuarima. Den Festival di Himno y Bandera di adultonan tambe el a cay den premiacion na varios ocasion y den tempo di scol el a bira tambe rey di calypso di Colegio San Antonio. El a participa tambe den "Sparkling Tour" y termina na di 3 lugar. Tambe el a compone pa tumberito e aña aki.

El a sigui lesnan di cuarta, lesnan priva di piano, canto y harmonia, les di guitarra, les di solfeo, harmonia, y oido, lesnan priva di guitarra cerca e docentenan grandi di nos isla. Siman pasa su composicion "Nos cultura ta grandi" canta pa Jayleen Croes a bira ganador di festival Himno y Bandera categoria 6 pa 9 aña Tanki Leendert.

ADALIS SAMSON

Mi ta un muhe di 32 aña di edad, mi tin 4 aña kasa kaba, nos tabata tin un bida normal. Un dia manera awe, 5 luna pasa, nos tabata koriendo den nos outo, I nos a hanja aksidente, ma leshona un tiki, nada grave, pero mi kasa si a keda den koma, ku morto serebral, e tabata tin bida artificial, kontenka jen di aparatu nan, su mama no a lagan an kita e aparatu nan for di je, paso e tin fe den Dios ku e ta bail anta bek. Ami ta hopi desespera aworaki paso prome ku e aksidente nos tabata buskando baby, i nos tabata ke hasie pa medio di inseminashon artificial, mi ke pa su mama dunami permit pa nan saka su semen for di dje pa nan inplante den mi, pa wak si mi por sali na stado, pero su mama no ke, e ta bisami ku e ta morto kaba, ku mi tin ku hasi mi bida, pero mi tin hopi fe ku mi por hasie, un par di luna pasa ma konose un senjora ku a bisami pa buska judansa serka un mener ku por judami pa mi suegra kambia di idea, ma bai serka dje i e la bisami pa mi no hasi nada ahinda, pasombra mi kasa ta bai lanta pronto, mi no a kere hopi ora e la bisami e kos ei, I ma pidie pa e judami, e la bisami ku e ta judando mi kaba, i ku mas o menos den dos luna e ta bai spierta, mi mester hasi misa kada 8 dia I ritual nan den mi kas, ma hasi tur kos manera e la bisa mi, I e dokter ku ta atendiendo su kaso, a bisa mi ku e ta sorprende di wak kon e ta reakshonando, mi ta bisa danki na e mener LEHUTER SCANNER pa tur e judansa ku a dunami, I mi ta bisa tur esnan ku ta lesando esaki, e fe ta e ultimo kos ku bo mester perde, no laga nada derota bo, bati tur porta ku bo ta kere nesesario pa bo hanja bo felisidad I ku e judansa di LEHUTER SCANNER bop or logre, jame esaki ta su number, i e uniko kos ku ta pidi bo ta, pa bo duna bo testimonio na spanjo of papiamentu, pa tur hende ku konsulte, hanja sa di tur e milagro ta realize.

TEL Aruba 630-7038 Curaçao 512-2923

lehuter@gmail.com



Telefonan di DIARIO
582-6747 / Fax: 582-8551